

四庫全書

集部

欽定四庫全書

集部

梁谿集卷十三

詳校官庶吉士臣張溥

侍讀臣孫球覆勘

總校官知縣臣楊懋珩

校對官中書臣潘奕雋

謄錄監生臣莊承簪

欽定四庫全書

梁谿集卷十三

宋 李綱 撰

詩九

在沙陽及還至崇安作四十八首

登凝翠閣觀月

乘泛碧齋分韻得泛字

志宏得碧字以詩來次其韻

興宗得齋字以詩來次其韻

凝翠晚望五絕

秋意二首

和唐人張為秋醉歌 讀陸龜蒙散人歌

巖桂墮藥

遊栖雲寺

自西津乘泛碧齋歸邑小雨

御筆許牽復有感

畫荔枝圖

叢菊數日來頗有開意戲題

得了翁書寄石芝

和歸去來集字十首

并序

送羅惇詩赴舉

從人於柳木得芝

將去沙陽留別鄧李明諸公

叙別疇老

自沙陽乘泛碧齋至洛陽口

留題雙溪閣書呈南劔守謝少卿

黃道夫約遊無名庵 奉酬陳之元教授見贈

謝德夫約遊開平寺

謝守送別至黯淡寺

長灘驛次韻陸惇禮留題二絕

題黃亭驛

武夷行并序

泛遊仙溪

別武夷途中偶成

寄題觀雲軒

崇安令送示武夷圖

九月十五日夜同陳興宗鄧志宏登凝翠閣觀月
溪閣臨虛而勢寬涼天佳月共追歡漁舟忽動水光碎
桂魄未高山影寒色染林巒烟漠漠氣侵笑語露漫漫
須知此景人間少更泛蘭槳遠處看

是夜復乘泛碧齋至北溪口觀新橋與興宗志宏

分題予得泛字

秋高氣倍清夜靜舟初泛露華浩如洗月色寒可鑒林
巒與邑屋左右入軒檻晶熒星影搖崑崙山光蘸風微
煙冪冪溪遠波湛湛端疑客乘槎坐使雲河犯觀梁且
停撓戀月愁繫纜景幽費摹寫思妙造古淡吾方久於
此勝賞豈云暫願同二三子險韻時得探

志宏得碧字以詩來次其韻

明月照清溪影落千尋碧輕風皺微瀾蕩漾搖金色相
攜理桂楫及此萬籟寂天空露氣寒棲鳥正縮瑟何人
起秋思數弄月中笛坐使遷客情悽然感去國清遊得
英俊勝賞飽泉石豈殊在吾家親戚欵於側賦詩各言
懷險韻對勍敵歸來氣未衰開匣看三尺

興宗得齋字以詩來次其韻

佳月靄秋色脩然感予懷言攜二三友泛此溪中齋風
露生萬里屋木憑兩涯淒微煙霧合芬馥天香來恍若

度雲漢奔月遊瑤臺灝氣集肺腑灑濯無纖埃沉沉夜
寥閒迴舟興悠哉澄波靜如練何異浮江淮但恨景物
美實難賦詠才斯文當共勉天意屬吾儕

凝翠晚望五絕句

白蘋紅蓼滿汀洲浙浙西風古渡頭寒日無情又西下
清溪不語水東流

桂香泛泛滿秋風十里沙溪一望中景物隨時慰牢落
羈臣那解感飄蓬

日輪隱隱落西山尚有殘陽木杪間
暮暮朝朝成底事
可憐飛鳥自知還

林中輕素起寒煙兩兩飛鷗傍釣船
心在江湖歸未得
晚來幽獨更悽然

白雲點破亂山青影落寒谿晚更明
誰謂天涯無鴈到
雖雖初聽兩三聲

秋意二首

蕭蕭南浦白雲秋楓葉蘆花相對愁
何必更窮千里目

亂山凝碧滿溪樓

清霜夜落梧楸樹
脫葉驚風墮如雨
一番掃盡一番新
策杖閑將黃葉數

和唐人張為秋醉歌

秋色愈淒緊感此梁谿翁
煙水出砂石風霜脫梧桐
歲晏無與歡步屨攜蒼筇
俯視檻中菊仰瞻峯頂松
有酒聊自適旋滴真珠紅
長鯨吸百川坐使玉樽空
念古壯氣激懷家歸興濃
陶然不知醉如墮烟霧中
醉魂眇安

往夢渡江水東髣髴生六翮飄忽騰雙龍醒來無所見
溪冷山重重紗牕透殘月瓦枕來疎鐘起視夜將闌星
河粲玲瓏乘風欲輕舉骨肉疑都融却思向來醉豈離
方寸地長醉不用醒蕭然謝名利

讀陸龜蒙散人歌三復而悲之賦詩以卒其志

江湖散人氣節奇布衣常帶霜鬢垂有田甫里多水潦
閩門百指長號飢躬耕粗足輸賦稅時赴嘉客同襟期
西風笠澤起秋色菰蒲初熟鱸膾肥扁舟乘興不知晚

筆牀茶竈常相隨著書叢雜自編錄巧怪不擇文與詩
那能枉道竊爵祿但欲亂世全妻兒胃中豈無佐時畧
却笑諸郎殊不知當年富貴盡磨滅惟有夫子傳於斯
三高名配范與李散人雖散元非癡

巖桂再開尤盛汲水養之其香滿室墮藥几案間
燦然可愛嗅玩因為賦小詩

桂華十里凌霜空再開愈覺秋光濃幽人贈我不知數
芬馥飄滿禪房中較較風枝墮煙藥璀璨金英霑案几

不須掃去任飄零從使清香在毫紙

遊栖雲寺

清曉戒徒御出郊為勝遊
霜林半搖落肅穆天地秋
散策陟峻嶺憑高瞰清流
禪居得蘭若迴覺林泉優
露草淒更碧風松鬱相繆
山空鐘磬響地勝池臺幽
竹色森不改桂香泐潏浮
經行豈蓮社景物如虎丘
流水人寂寂歸雲晚悠悠
惜哉光景促妙賞難淹留
却步出山徑猶迴戀山眸
登臨興未盡更理溪中舟

自西津乘泛碧齋歸邑小雨

亂山深處翠光浮
山寺歸來泛彩舟
十里峯巒凝翠靄
一溪煙雨灑清秋
漁燈照水明還暗
野桂飄香散不收
只向畫中求好景
不知身在畫中遊

是日聞報御筆許牽復有感

聞有佳音自日邊
羈臣感極却悽然
矜愚本自加三宥
作賦休云謫九年
戲膝但能紆彩服
侍香那復望青氈
恩隆天地當何報
擊壤為氓老一廛

畫荔枝圖

南閩荔枝名四方非因謫官那得嘗丁香為核玉為葉
絳綃為殼冰為瓢烟如明珠出老蚌燦如豔女披紅裳
膜凝雲母本來薄液貯甘露初不漿剖擘頗訝水晶滑
咀嚼但覺瓊瑤香貢餘雖幸得一飽無那品目多難詳
丹青巧為拂絹素數種磊落皆其良牛心最大蚶殼褊
虎皮斑駁龍牙長火山早依炎氣熟中元晚待秋風涼
色奇更變江家綠味肯尤稱十八娘葡萄結實極繁盛

硫黃著子何芬芳若將牡丹與比並
好把陳紫同姚黃
雖云香味不可畫悅目自足垂虛堂
飫餐更得畫歸去
須信遠謫元非狂

叢菊數日來頗有開意戲題

愛菊如淵明憑欄惜花晏朝來有開意
嫩蘂肥欲綻願
承玉露溥一吐金英繁臨風嗅馨香為爾發三歎

得了翁書并寄石芝云其味初淡中苦已而發甘
鮮有此味者感而賦詩

海日氣射蒼崖根石上生枝乾蘚文構梯採掇資好事
中有至味難為言豈惟食淡兼攻苦嚼蠟茹荼多欲吐
清甘徐發齒頰間漱以寒泉如飲乳幽人贈我意已深
一掬可比千黃金世間此味知者鮮往往既吐還追尋
我欲持之獻君子自古至言多逆耳願於苦處辨忠良
若待廻甘真晚矣

次韻和歸去來集字十首

并序

予初抵沙陽常和陶淵明歸去來辭然竊意歸

期未可以歲月計也近聞例許牽復真得歸矣
偶讀玉局翁歸去來集字因次其韻簡諸弟

少負工壑志誤嬰軒冕榮剛腸難隱忍懶性倦將迎學
佛欣自得謫官知物輕悠悠勢利子千古見交情

壯志已衰落頽然成懦夫編須休虎穴曳尾且龜塗松
菊猶可理田園將欲蕪親朋悅情話濁酒在觴壺

軒冕豈足戀田園誠可歡村村自花柳物物寄游觀舊
事不復憶吾生良易安南牕審容膝歸去學鯢桓

聞說詔初下預知歸有期趣裝行去矣俟命且安之出處宛如夢去來惟有詩為傳千里信先報棣華知

曠蕩推新澤迂疎念昔非休為賈生賦且治老萊衣報國撫長劒懷親歌式微憑高望吳越千里白雲飛

寤寐在親所得歸欣載奔綵衣猶在笥素髮已垂門遣興詩千首忘憂酒一罇歸歟理三徑松菊故應存

歸去復歸去溪山滿眼前公垂餘舊館鴻漸有甘泉結宇依青嶂開池浸碧天餘波到山下更溉萬家田

薄責恩已厚聽歸初不留昔來聊坎止今去亦川流圖
史自可樂親朋相與遊罇中常有酒此外復何求

舊隱北山北結廬猶可尋曾傳種松法當遂採芝心有
酒且觴客無絃何用琴一生幾量屐慎勿廢登臨

處世若大夢吾生感行休何須縛軒冕且復傲林丘雲
木千巖秀煙波萬壑流忘機齊物我魚鳥與君遊

送羅惇詩赴舉

計偕西去不容遲暫聚還分與願違丹桂一枝應俯拾

青雲萬里看橫飛我方謫宦陪鳩杖子欲成名戲綵衣
努力爭先龍虎榜發揮家學慰庭闈

從人於柳木得芝一本面徑尺餘體圓而欹正類
荷葉惜其生於僻遠不得與奏牘為賦此詩

草木何為亦發祥靈芝三秀向沙陽成叢已茁枯梅上
盈尺還生卧柳傍葉若圓荷方瀉露色如紫樨更飄香
惜哉地去長安遠不使公卿草賀章

將去沙陽留別鄧季明諸公

一載沙陽信有緣
寬恩許去却依然
碧齋翠閣已如夢
明月清風長自妍
溪上客舟橫一葉
篋中詩卷賸千篇
諸公別後應思我
茗飲時時到寓軒

疇老修撰見示七峯吟因成七言十韻律詩以

叙別

謫墮閩山欵棟閣
日親高義慰平生
忘年許結看經社
乘興時參在野旌
三徑高懷窮水石
七峯佳氣入軒楹
舫齋談笑龜魚慣
翠閣吟哦卷軸成
方幸遊從陪杖屨

敢將蹤跡歎蓬萍
寬恩宥罪千鈞重
小艇浮溪一葉輕
北闕未應容接武
東臯從此遂躬耕
寧親幸愜區區志
去德還深戀戀情
般若光中無聚散
毗盧海裏任從橫
願公更展垂天翼
拭目鵬搏九萬程

自沙陽乘泛碧齋至洛陽口

罪大昔來謫恩寬
今許歸碧齋還泛
泛翠閣已依依簫
鼓轉山曲旌旗搖
夕暉餘霞方散亂
倦鳥亦歸飛頗悟
邯鄲夢還尋萊子
衣耄倪嗟得去朋
友惜相違詎有甘

崇愛徒知遽玉非勞生成底事歸老釣魚磯

留題雙溪閣書呈南劔守謝少卿

華構何年玉斧修規摹宏麗屬賢侯治成不廢登臨樂
望遠宜窮水石幽千里煙雲瞻北闕四時風景冠南州
山如蟠踞成龍虎劔有雌雄射斗牛天倚筆峯排玉筍
仙留篆石浸銀鈎二川俯瞰丁為字萬室傍連盛結樓
蹲俎幸容陪勝賞笙歌更覺助清遊朝雲暮雨滕王閣
明月清風白鷺洲夢草惠連留句法遊山安石繼風流

尚能執筆從公賦却恨歸鞍不可留

黃道夫約遊南山無名菴謁包法師

碧山盤屈白雲凝竹徑通幽水石清門對演仙千古在
道人何事學無名

奉酬陳之元教授見贈次韻

謫官因得窮林泉陶寫聊復資詩篇青岑疊疊山滿眼
碧波湛湛溪涵天南連海嶠饒霧雨北望吳越淒風煙
感懷觸目還得句但可娛戲那敢傳譬猶候蟲與時鳥

自鳴自己真偶然豈知飄落廣文耳飾以妙語煩雕鐫
與公平生未相識一見傾心誰與易沙陽百里阻遊從
注目寒空暮雲碧竭來邂逅慰所思況得新詩飛霹靂
我今歸去隱梁谿遠跡江湖養愚直看公白日上青霄
九萬扶搖不勞力

謝德夫約遊開平寺

出郭山村僻尋真殿閣幽雙溪餘賞興五馬故來遊鐘
梵含古思林泉銷客愁歸歟碧雲合羅綺滿蘭舟

謝守送別至黯淡寺

送遠勞為黯淡行
西風斜日嫋雙旌
舟如一葉波濤舞
灘作半天風雨聲
修竹拂雲青蒨鬱
圓峯對閣翠崢嶸
如公高義今人少
行客空餘戀德情

長灘驛次韻陸惇禮留題二絕句

文彩飄飄青瑣郎
朝班同望赭袍光
嶺雲深處觀題句
使我幡然念帝鄉

當年狂直叩龍墀
謫墮閩山省舊非
須信寬恩若天地

纔周歲律已容歸

題黃亭驛

雲山一帶碧崔嵬迎我南遷又北迴
歲籥纔周兩經歷此行端為武夷來

武夷行

并序

宣和改元之夏予備員左史寓直東省晝寢夢
遊武夷山未幾謫官閩中取道山下果符所夢
因作賦一篇古律詩近五十首今冬蒙恩北歸

復尋舊遊泛遊仙谿登換骨巖致祀十三真君
會食觀妙堂因盡錄前所作遺觀妙法師且別
賦一篇以述再遊之意目之曰武夷行

憶昨退朝門下省槐影扶疎清晝永瑣牕一枕夢仙山
覺來毛骨猶清冷謫官道出武夷山風景翛然似夢間
碧溪九曲山萬疊況值密雪妝煙鬢寬恩今日客歸去
笑指洞天尋舊路霜晴日暖白雲深遙望幔亭天一柱
羽人導我遊仙谿翠壁蒼崖晚更奇浩歌快飲縱迴櫂

星月耿耿風淒淒曉來換骨巖中看玉潤金堅餘片片
三姝駢立映彤霞二水交流縈素練征鞍欲去更從容
仙境靈跡豈易逢他日追思不可到夢魂還過七閩中

泛遊仙溪

到閩中而不遊武夷山到武夷山而不泛遊仙
溪皆與不到同予去冬乘小舟抵晞真館值雪
今冬復遊乘月而歸景物清絕不可名狀因賦
詩以紀其實書遺觀妙法師

去年遊仙滿溪雪今年遊仙一船月
武夷已擅天下奇雪月相輝更幽絕
前生定在此山中緣熟重遊六六峯
慚愧真仙借光景恨無道骨與仙風

別武夷途中偶成寄觀妙法師

道妙觀來物物通武夷仙境幸相逢
溪流玉雪三三曲山鑠雲霞六六峯
去路歸鞍方眷戀淡煙疎雨正蒙茸
羨師日在神仙窟迴首巖巒紫翠重

寄題觀妙師閣皂山舊隱觀雲軒

獨構幽軒福地陰飛雲對面起青岑但知映日能成色
誰信崇朝解作霖苒苒行雲寧有跡霏霏出岫本無心
道人默坐觀舒卷至理應符妙意深

崇安令朱邈公達送示武夷圖因成絕句

秀氣蜿蜒作武夷巖巒窈窕白雲飛再遊未盡平生興
六幅生綃畫得歸

梁谿集卷十三

欽定四庫全書

梁谿集卷十四

宋 李綱 撰

詩十

自分水嶺過江南及
辛丑歲作七十五首

自分水嶺過江南

鉛山約高無咎同遊石井

自鉛山迂路至吳園 吳園

留題月巖 宿黃藤驛

弋陽道中 望龜峯

鳴山驛次韻蔡君謨續夢作

宿安仁雲錦堂

餘干

晚行

題安仁寺翠玉亭

題仁義驛范文正公所植六松

迂路由江南歸二首
童子驛見梅花

偶題

又

題建德縣開化寺

題紫巖驛

贈池守張閔道

同天寧聰老遊齊山次杜牧之韻

題弄水亭

自池口登舟

江行十首

遊五松山觀李太白祠堂

舟中讀書有感

銅陵阻風

題護法寺瑛老默堂

次韻瑛老頌

舟泊散潭三首

春睡二首

夜泊繁昌

試九華朱觀墨

未至蕪湖四十里阻風

草宰執書論方寇事戲成

上元舟中有感

夜坐二首

至蕪湖聞賊陷錢塘復為官軍所得有感

自蕪湖江行至采石

乘月泛禁江一夕至金陵

同李似之遊蔣山

頌示勤老

次韻奉酬李似之見贈

金陵懷古四首

登鍾山謁寶公塔

題定林院

題八功德水

題偃秀軒

得家信報避寇海陵

自金陵江行未至長蘆阻風

又

過長蘆

遊長蘆寺見衆僧已披剃

自分水嶺過江南

行盡閩山萬屈盤江南形勢陡然寬山平水遠望不盡
木落草枯霜始寒醉裏謳吟聊自適夢中往復本非難

誰言春信年年早
笑指江梅試折看

鉛山約高無咎同遊石井

巖洞嵌空鑿翠崖
泓雲液貯瓊瑰
幽人須信耽泉石
茗飲相招特特來

自鉛山迂路至吳園

迂路入江南
寒煙鑱翠嵐
清晨遊石井
薄暮宿巖月
冷不成夢雞號還
整驂吳園纔數舍
去去指龍潭

吳園

當時親迎到吳園屈指重來十七年身世恍然如一夢
從今歸去老林泉

留題月巖

信州道中

廣寒宮殿寄幽巖忌滿非緣玉斧戡皓魄半輪橫道左
清光千古照江南陰精凝結元無質神化胚胎豈易探
好是月華生碧落扶疎桂影遠相參

宿黃藤驛

時聞浙東方寇大作

古驛號黃藤休鞍夜已燈溪寒水清淺山瘦石稜層豪

客路方阻歲寒陰始凝開懷惟伏酒獨酌醉瞢騰

弋陽道中

南去北來皆歲暮流年冉冉過光陰江南須信風煙好
浙右方虞寇盜深雲外山深橫筆格月中灘響疊琴心
卧龍三顧今寥落抱膝空為梁甫吟

望龜峯

饒陽景物猶武夷巖石崛起多瓌奇此峯厥狀更詭異
舉首曳尾如靈龜穹隆曝甲正霜曉蹒跚引氣當晴暉

故知造化巧凝結欲問所以良難推我疑龍伯釣溟渤
六鼇連引背負歸中途遺一尚巋負直欲赴海冠峩巍
又疑清江使河伯波濤相失留於斯化為巨石峙千古
雖欲鑽灼無由施茫茫神怪不可詰但使風景增清輝
我來閩嶺厭山水見此還復伸雙眉頗嗟行役不果到
側身西望生長悲

鳴山驛次韻蔡君謨續夢作

一夢神遊紫府天覺來身寄驛亭眠何須悵望吹簫女

獨跨青鸞入翠煙

君謨詩云白玉樓臺第一天琪花風靜絲鸞眠誰人得似秦王女吹徹瓊

蕭上
紫煙

宿安仁雲錦堂

一宿溪邊雲錦堂
煙村浮動野梅香
沙平水澹近江浦
天濶山遙多夕陽
北陸寒凝風眇眇
東吳音斷意茫茫
片言無補空來往
贏得蕭條兩鬢霜

餘干

歲寒迂路過江鄉
歎息飛蓬墮渺茫
雲錦洞深煙水遠

琵琶洲轉暮灘長
田園歸去荒三徑
金鼓傳聞震一方
極目東吳何處是
斷霞輕靄落殘陽

晚行

歲杪旅懷惡
驅車殘照中
暮雲千里碧
落日半輪紅
掠水起行鴈
隔林聞遠鐘
休鞍僧舍閒
皓月又東生

題安國寺翠玉亭呈平老

鄱陽

蘭若何年種
碧瑜凌霄高
節笑楸梧
渭川謾說三千畝
杜牧宜誇十萬夫
月舞清陰金影碎
風敲幽韻玉音敷

煩師長養休斤斧試問江南有此無

題仁義驛歲寒堂范文正公所植六松

江驛森森六本松蜿蜒枝幹走虬龍
煙滋鱗甲蒼顏老雲惹須髯美蔭濃
獨立雪霜君子操曾因風雨大夫封
不裁桃李追時好歎息前賢意可宗

感二首

理裝適吳會避寇由江濱寧知治安世
乃作途窮人風

濤豈不險舟楫尚可因失身入畏塗難以理義陳平生
笑子美逃亂走跋跋如今翻自笑亦須謀此身此身何
足惜上有高年親骨肉幾百口干戈已相鄰以我此日
心知彼無辜倫安得濟川舟載之適通津徙置安樂土
不知戰鬪塵已矣可奈何願為太平民

東南久無備盜賊起不虞揭竿與荷鋤皆是耕田夫誰
為捕逐者得官緣苞苴不讀一行字況復知孫吳厥初
既輕敵屢北輒昨盱屯兵非不多一掃不復餘虎兇出

於桺是誰之過歟
山熖陵郡縣良民遭戮屠坐令腹心
地化為豺豕區除惡當務早滋蔓良難圖
王師何日出
努力觀廟謨

童子驛見梅花

天滑雲腴凝不流
歲寒迂騎過南洲
黃昏孤館沈吟處
賴有江梅慰客愁

江南為客見江梅
似為行人特特開
數點枝頭凝玉雪
隔牕和月送香來

偶題

霜風響枯林曠野慘寒色川路阻且長客子方遠適東
吳眇何在仰羨歸飛翼惟有溪邊梅猶能慰愁寂

又

水落潮乾人取途西風索索響黃蘆沙頭驚起數行鴈
恰似舊藏蘆鴈圖

題建德縣開化寺

路遠江南煙水村梅花的皪正銷魂峯巒影裏過山邑

鼙鼓聲中念故園殘臘未曾看雪舞勁風何事掃雲屯
拙翁自笑平生拙欲叩天關更一言

題紫巖驛

稚年曾向北途行半世重來若泛萍山徑車聲欣路坦
江村市合厭魚腥連天霜草蕭蕭白蟠嶺雲松鬱鬱青
久旅懷家歸尚遠暮煙殘照宿郵亭

贈池守張閔道

繡衣執法出霜臺邂逅還如特特來華省舊曾陪笑語

清溪今復接罇壘喜公筆有江山氣顧我心如世味灰
天下蒼生待經濟坐看蟠螭起春雷

同天寧聰老遊齊山次杜牧之韻

東風初起白雲飛禪客相邀步翠微童稚舊遊如夢到
江山今幸假途歸巖壑窈窕籠輕靄鷗鷺翩翻舞夕暉
歸觀庭闈詢往事篋中先整老萊衣

余童稚時侍親池
幕迄今幾三十年

矣齊山頂
有紫微亭

題弄水亭

蕭條秋浦景如秋誰信猿聲使客愁
煙樹森森連遠嶠水田漠漠集飛鷗
高樓吹角增離恨古驛停驂憶舊遊
亦欲題詩江祖石謫仙遺跡最風流

自池口登舟

水落溪乾不可舟春潮理櫂淺沙頭
多風煙浪鱗鱗起欲雪江雲冉冉浮
涉險物情終共畏臨流歸興浩難收
波神借我風帆便鼓柁清江汗漫遊

江行十首

自池陽至銅陵

理權適江干初欣眼界寬日蒸江氣白風約艣聲寒蔣
詡謀新徑鍾儀只舊冠浮雲休蔽日直北是長安

春江徹底清沙尾見潮生朝氣噓成霧南風戰作晴岸
移看樹遠船穩信波平覽盡江山勝還悲萬古情
渺渺春江穩融融午睡腴夢回雙艣急望極片帆孤
水風還逆維舟日欲晡雲中有行鴈冉冉下平蕪

春光搖畫鷁江影浸長天浪勢隨潮急渦痕逐艣圓避
風依島嶼防寇問人煙深念還愁絕高歌且醉眠

江濶水雲暮風高舟楫停落帆歸別浦宿鴈集迴汀霜
蓊蕭蕭白煙嵐朶朶青夜來江色靜寒浴一天星

朝來問風信五兩向南飛旅泊添春恨舟行與願違
梅空的的岸柳已依依寂寞江南路那知自此歸

春江望不極慘淡起層陰煙雨濛濛濕雲濤渺渺深懷
家千里意報國一生心歎息知音少空為梁甫吟

晚泊銅陵口煙村八九家岸沙崩浪響江雨帶風斜泛
泛浮波鴈捎捎接翅鷗無情東注水對爾歎年華

杳杳楚天濶悠悠江浦清便風帆腹滿順水艣腰輕煙
澹山逾碧雲高雨易晴無心問漁父濁酒慰平生

春到江波綠潮來浦溆深曉風看五兩家信抵千金笑
讀謫仙句病為莊舄吟世途遊歷徧歸去老山林

遊五松山觀李太白祠堂

大江東南流鼓枻江水上薄遊五松山獲見謫仙像嗚
呼天寶間治亂如反掌兵戈暗中原豪傑多長往謫仙
當此時逸氣隘天壤脫身來江東縹渺青霞賞作詩幾

千篇醉筆籠萬象迄今有遺祠識者共瞻仰嗟予豈後
裔愚拙誰復尚珥筆玉殿螭謫官閩嶺瘴荷恩許生還
冒險理歸槳於焉覲仙風足以慰遐想願言繼清芬何
由揖英爽

舟中讀書有感

渺渺波濤淅淅風此身忽在大江東浮家泛宅雲煙裏
思古傷今圖史中盜賊從來能伺釁治安自昔戒除戎
我今惟願兵戈息歸作梁谿老釣翁

銅陵阻風

春色到江渚梅花正斷魂
風波留遠櫂煙雨濕寒村
鴈過傳遺響潮來沒舊痕
淒涼一樽酒愁絕與誰論

題護法寺瑛老默堂

維摩大室何年設滿目江山自風月
道中試露默中機
千偈瀾翻本無說

次韻和瑛老頌

默堂前對五松山
敵面機鋒一瞬間
禪客相逢休擬議

草鞋價直欲誰還

自銅陵行四十里風復作泊江北岸地名散潭屬

淮南

襟帶江淮一望間夕陽艤檣散潭灣波濤洶湧暮天濶
鷗鷺飄飄漁艇閒風壯又還依北渚雲深不復見南山
淝河千里何時到過去飛鴻不可攀

鏡中漸覺鬢絲多半世勞生可奈何極望不來青足鳥
滿江更起白頭波揚帆賈客風前笛撒網漁人月下歌

自斷此生甘寂寞
毗耶歸作老維摩

平生性酷愛江山
今日江山滿目前
明月清風人寂寂
淡煙輕靄露涓涓
波聲撼岸連淮壤
鴈陣驚寒入楚天
慨念往來成底事
一杯濁酒且安眠

春睡

半生遊宦鬢毛霜
依舊圖書對曉牕
卯酒一杯春日暖
卧聽鳴鴈下清江

居士終朝只念歸
日行百里尚嫌遲
小牕春夢分明到

歎息啼烏喚覺時

夜泊繁昌

繫纜繁昌口清江夜渺然寒星隨浪閃孤月向人圓漢
渚乘槎客雲川控鯉仙何須論往事且泛碧波船

試九華朱覲墨

九華山頂老松煙名重初因玉局仙樣古法精珪並製
膠清煤馥玉同堅試將毛穎輕輕染須遣陶泓細細研
居士年來無戀著惟於三子欲逃禪

未至蕪湖四十里阻風

一夜寒雲凝不開
北風吹雨帶潮來
濤翻天末銀山湧
浪打沙頭霹靂摧
心在浙西音斷絕
身留江左意徘徊
無聊獨酌開懷抱
賴有牕間數點梅

草宰執書論方寇事戲成

江浙巨盜起東南
皆震驚王師殊未出
赤子若為情試
贈繞朝策願飛燕
將城非因肉食鄙
只欲廟謨成汲黯
復妄發終軍思
請行懷親寸心急
報國一身輕
曹劌亦

問戰中宵還乞兵羣公佐天子努力剪鯢鯨

上元舟中有感

前年扈清蹕玉輦臨端門
黿山綵構聳露臺歌吹喧去
年謫沙陽旅泊亦遊觀
士女隘衢巷燈火滿溪山
今年過江南艤舟煙水灣
風高不可進極目雲濤翻
密炬照獨酌紅爐凌夜寒
感事心欲折強歌聲無歡
坐看江邊月飛上青雲端
清光不改舊對我還團
樂

夜坐

春夜沈沈燈影明
卷書兀坐忽三更
不知船外風多少
但聽滿江波浪聲

波濤漠漠雨紛紛
夜泊江南煙水村
慨念平生都不寢
可憐心事向誰論

至蕪湖聞賊陷錢塘復為官軍所得有感

督府繁華一掃空
須知狂寇計非庸
廟堂若為蒼生計
早築高壇拜卧龍

巨盜乘虛起浙東
猖狂如在笑談中
錢塘猶喜官軍復

破賊須從此立功

自蕪湖江行至采石

萬頃春江徹底清
天風不動鏡泓澄
畫船安穩搖空翠
疑在琉璃地上行

江水春來綠似藍
臨流高石翠巉巖
波恬舟穩已堪喜
況是清風借一帆

阻風泊慈湖夾焚香默禱有長魚躍波面江豚出
沒舟人大驚抵暮風便因命解舟乘月泛禁江

一夕至金陵蓋數百里作二絕以紀其事

江險而不

可行者為禁江時
夾江水落行禁江

江豚出沒白波中
十丈神魚躍晚空
知是陽侯憐我拙
故教來助一帆風

露氣漫漫欲結霜
扁舟夜下秣陵江
煙波如席月如畫
快意倒盡黃金缸

同李似之遊蔣山

北風阻行舟
駕言遊蔣山
相攜得良友
談笑窮躋攀
松

林靜杳冥殿閣羅煙鬟寶公骨已冷白塔孤雲間乘高
望長空極目波濤翻東南正戎馬戈甲照江干與子適
相遇偷此半日閑懷古六朝遠道舊一笑歡憶昨賜對
初接武玉殿班螭砌珥史筆每慚追繼難迂疎與世違
謫官墮甌蠻寬恩幸脫去假道來江關邂逅兩萍梗飄
泊驚風旂迴首顧淞河不知涕泗潛著鞭願努力世路
方多艱

頌示勤老

平生閒說蔣山勤
今日相逢過所聞
還似泉公喚居士
一聲吹散滿天雲

次韻奉酬李似之見贈

吾宗才氣世無雙
用與時行舍亦藏
殿陛同瞻龍袞繡
螭坳繼染御爐香
紫荷持橐將清禁
貝葉繙經見寶坊
仄席正思經濟手
佇觀趣召侍顒昂

金陵懷古四首

六代兵戈王氣銷
山園故國自周遭
豪華散滅城池古

人物摧殘工塚高阜轉蟠龍翔寶塔洲分白鷺湧雲濤
悠悠世事都如夢且對金樽把蟹螯

六代繁華三百年我來弔古一悽然景陽鐘斷難空唱
玉樹歌沈月自圓潮沒舊痕生晚浦柳搖新色媚晴天
高樓上盡窮雙目千里江山遶檻前

六代興亡江上城倦遊還向此中行龍蟠虎踞空形勢
井廢臺荒為戰爭雲氣霏霏春雨急煙波渺渺暮潮平
商人不識前朝恨短笛還為激烈聲

六代當年恨最長
兵戈陵滅故城荒
非關霸氣多消歇
自是人謀未允臧
王謝風流今寂寞
江山形勝亦淒涼
我來正值興戎馬
慨念東南更慘傷

登鍾山謁寶公塔

寶公真至人
鳥爪金色身
杖攜刀尺拂
語隱齊梁陳
我登鍾山頂
白塔高嶙峋
再拜禮雙足
聊結香火因

題定林院

行過鍾山到定林
青松一徑白雲深
三間古屋昭文館

那有沉迷富貴心

題八功德水

石作方池紫翠崖
湛然定水貯瓊瑰
何須功德標為八
萬行圓成自此來

題偃秀軒

青蔥秀色一軒中
俯瞰梁朝萬本松
頂覺風雲疑偃蓋
枝蟠雨露若蟠龍
四時鬱鬱寧彫葉
千載亭亭不改容
却笑宗人生岱嶽
佞秦先得大夫封

得家信報避寇海陵

怪底燈花夜夜紅
朝來家問始相通
田園已在危疑際
骨肉幸安飄泊中
子美無家尋弟妹
淵明有酒引兒童
我今已勝少陵老
稚子候門淮水東

自金陵江行未至長蘆阻風

倏忽風雲接地陰
扁舟繫纜暮江潯
波濤何必深為阻
萬里歸來一寸心

又


七日風不止歸心何似生煙添暮山色風撼滿江聲淮
楚已非遠波濤殊未平坐看雲解駁猶喜晚來晴

過長蘆

達磨當時一蒂杭棲棲暗度白沙江不知雙履歸何處
吸盡西江屬老龐

遊長蘆見衆僧已披剃

圓頂方袍復舊儀欣欣便覺衆情熙可憐盡墮狙翁術
暮四朝三元不知



梁谿集卷十四

欽定四庫全書

集部

梁谿集卷十五至十八

詳校官庶吉士張溥

侍讀臣孫球覆勘

總校官知縣臣楊懋珩

校對官中書臣潘奕雋

謄錄監生臣陳太初

欽定四庫全書

梁谿集卷十五

宋 李綱 撰

詩十一

江南道中及歸抵
海陵作四十七首

陶淵明嘗設形影神問答賦詩三首讀之有感

因次其韻

次韻李似之秋居雜詠十首

阻風舟中有感
喜雨

雙鳧

雪

江上值雪戲成短句 舟次儀真

次韻王堯明遊北寺 次韻王堯明三絕

次韻茂載海陵寓居有感三首

次韻王堯明喜雨古風

送虞季然赴八寶丞

次韻曾徽言登北禪寺塔

次韻徽言招飲絕句 讀陳子直短歌次韻

次韻和王堯明四旱詩四首

次韻虞公明察院賦所藏李成山水

再次前韻

次韻曾徽言桂漿

讀王堯明贈諸弟和陶詩次韻為別

虞公明出示序觀音詩事并頌次韻

贈虞公明察院

讀錢申伯與仲弟唱和次韻見意

往復詩多用佛語再次韻示仲輔

題李茂舉擁書堂

次韻徽言見贈

堯明以五詩責行次韻第五首為報

自海陵泛江歸梁谿作

次韻和淵明形影神三首

形贈影

大塊已載我何如未生時氣變芒芴間七竅誰鑿之百
骸與九藏假合以成茲與子非故交從我如相期屈伸
及動止契合初不思常恐隨物化念此情淒沍我生夢
幻中變滅不復疑安得永相保聽我悲來辭

影答

紆餘非我妍
蕩落非我拙
與子兩相依
生來無間絕
俯仰隨顧指
豈是事容悅
因光長周旋
處陰翳睭別
況復同物化
子壤我亦滅
冥冥長夜臺
念之五情熱
願子衛生經
無使精腦竭
千載永相從
彭殤孰優劣

神釋

人生若大夢
積微以成著
少壯得老死
一念即非故
二子異金石
松蘿暫依附
胡為羨久生
切切兒女語
有形

會當滅是影無實處惟我謝客塵妙湛乃常住不入造化機豈墮陰陽數迴光試反照凡聖悉皆具不滅亦不增誰毀復誰譽超然外死生卓爾無來去周行萬物表獨立初不懼二子非吾徒安用多憂慮

次韻李似之秋居雜詠十首

并引

予素有高世之志家梁谿上田園足以結伏臘
泉石足以供吟哦歸自謫所藉此就閒而巨寇
方起干戈相鄰聞諸弟奉親挈族旅泊淮甸田

園泉石皆未可保慨然感懷過金陵邂逅李似
之出秋居雜詠十篇因次韻和之攄情言志不
必以秋為興也

達人有大觀曲士多自束忘真供物役終歲惟僕僕所
以梁谿翁歸來藝松菊寒泉友龜魚豐草侶麋鹿清風
為掃門明月相照燭世故悉棄捐吾方樂於獨

亭亭南山松下蔭千里道結根既得地秀色亦何好歲
寒霜霰苦獨立君子操如何慷慨士百慮繞中抱寸心

多感傷搖搖若旌纛逝將歸江湖更拜散人號

烏鵲故巢心鴻鴈稻粱謀梁谿十畝園歲晚營菟裘自
我去泉石歲律纔一周安知巨盜起千里來蜂蠹老稚
適淮東旅泊如寄郵已矣復何言吾生感行休

鼓輦思將帥戡亂屬豪傑吾儒貴全才冠履仍佩玦
彼乘間盜萌蘖傲霜雪鋤惡當務本使衆宜以悅一掃
巢穴空毋俾蟻蝟結安得李臨淮念此五情熱

禪悅知道腴寂樂忘世喧自從遊宦來常恐歲月捐願

從善知識超然同晤言
心清聞妙香不必爐中煙
竹實自鸞鳳腐鼠從烏鳶
典籍亦可棄魚兔非蹄筌

取飯遣化人散花有天女
維摩一方丈安用室百堵
況我麋鹿姿本非冠冕伍
脫身歸梁谿蓑笠釣煙雨
結交有風月掃念無寒暑
巨盜儻削平此志良自許

兩曜真跳丸百年如轉軸
富貴能幾何飄若雲過目
惟有金仙書可以靜中讀
冷暖初自知運用要當熟
仲尼貴毋我老氏欲為腹
悟真奚必多半偈亦云足

我行大江濱舉頭見鍾山清風自南來長嘯宇宙寬
邂逅相遇取友平生端戀戀故人意憐此范叔寒世路
方多虞期子慎所安他時來訪我陋巷一瓢顏

朝市不可留山林有佳趣結廬無人境散策時遠步手
攜葛翁杖足躡祖師屨一笑浮世空欸若草頭露幻身
粗飽煖此外復何慮休問東陵瓜且種梁谿芋

浮雲不成雨晶晶行晴晝朝蔽扶桑暎夜掩長河宿迴
颺一掃除戢戢見遠岫青天與白日四顧喜瞻構願乘

六氣辯撫手磨宇宙冷然御風行平昔笑禦寇

阻風舟中有感

扁舟泊枉渚邈在大江南風雲鬪未息波濤戰方酣
關坐明牕開卷窮幽探氣寒覺火冷志苦思藥甘深
炷一爐香默默聊自參半世徒擾擾忙如未繭蠶又
若伏櫪馬未脫轡與銜逝將歸山林鉗錫寄一巖願
從祖師六不學黃庭三得此無所得超然離聖凡

喜雨

北風吹雲雲不開濛濛細雨和煙來舟行雖阻亦可喜
潤澤及物誠佳哉我辭閩嶺遵江渚百日皆晴未嘗
雨江淮旱暵已踰年牟麥焦枯但黃土漕渠千里不
復通沉復巨寇興兵戎從茲一雨百事散願化災疹為
康豐

雙鳧

雲濤萬頃連天雨波上雙鳧自容與風高江濶煙水寒
日暮相將何處去

雪

小雨晚成雪凍雲凝不開響牕初索索積岸漸皚皚色
與濤頭並寒資酒力排平生看圖畫今日畫中來

江上值雪戲成短歌

我來自南今幾月萬里不曾看點雪艤舟江南煙水灣
雪作春風更奇絕凍雲漠漠愁鑱空初聞冰霰響牕蓬
鮫人泣下玉盤碎珠璣亂落屑霄中須臾雪片大如指
密灑江干浩無際白帝從以萬玉妃婀娜旂常墮雪

水迴風飄舞轉交加坐看汀洲鋪玉沙已驚綠柳早
飛絮更訝黃蘆還帶花沙頭鳬鴈自儔侶天暝雲寒
去何處漁翁獨立釣清江披得一蓑非好句梁谿居
士初歸來對此超然慰所懷家在淮東阻行色晴天
且為片時開

舟次儀真

昔年試吏得江城一紀重來若隔生惆悵舊遊誰可語
南園春色却多情

次韻王堯明遊北寺

小雨濕殘花，迴風振芳草。勝遊宜及時，嘉此春物好。
蕭然二三子，散策窮杳眇。招提枕郊頭，殿閣出林表。
中有王屋泉，一酌百慮澡。踟躕古城隅，幽徑通翠篠。
嗟予阻追陪，正坐塵事繞。衣冠方北渡，親故幸非少。
客情終念歸，回首雲縹緲。遙憐松菊荒，仰羨鸛鶴矯。
園田誠可樂，鼙鼓尚驚擾。何當終素心，永歎憂用老。

次韻王堯明三絕句

春風初入牡丹枝國色天香豔姣姬堪笑謫仙猶半醉
清泉沃面與題詩

康時致主接英遊姚宋開元第一流憔悴三閭空澤畔
離騷終日念靈脩

鄭衛曲終纔雅奏詞人賦詠本多誇未能句語全無類
猶貴瓊瑜不掩瑕

次韻茂載海陵寓居有感三首

羣盜休憑險天弧正指狼犬羊徒跋扈貔虎極精強寓

目江山異傷心花草香
澗河那得此回首一彷徨
江城飄泊久幽徑綠寒莎
歎息青春暮悲傷白髮多
蒼生端若此狂寇竟如何
更起乘桴興滄洲萬里波
不謂繁華地還飛戰鬪塵
澆愁空泥酒極目更傷春
懷古繙書帙論情託友人
誰深醫國術吾欲問甘辛

次韻王堯明喜雨古風

神化茫茫端莫測不雨踰時忽盈尺
誰云幽默志難通一念周圓誠已格
井枯河竭欲飛塵麥秀漸實半娠

翠虬潛伏杳無處遺蝗出地方鱗鱗觀音妙智悲慈主
為灑楊枝作甘雨應憐禱檜罄勤渠致遣神人夢中語
雨暘之數雖有時遲速亦可精神移世間萬法盡心造
報若影響寧難期不知今夕復何夕千里風雲來陣墨
驅雷掣電雨建瓴似赴前期初不忒威神自在誰復如
喫酒投醺術已疎有秋頗足慰民望可喜更須煩史書
衣冠北渡連墻堵旅食經時念終窶已欣霖雨起蟠龍
更慶天兵擒猛虎邇來世事不掛心惟有憂國思猶深

安得年豐羣盜息歸助擊壤堯民音

送虞季然赴八寶丞

流落歸來旅海涯相從幾集鳳凰池
慙欣捉麈共談笑還惜整驂言別離
為祿未能忘飲板掃廳應不廢哦詩
如公豈是徒勞者勉繼前修結主知

次韻和曾徽言登北禪寺塔

佛教入中土貝多凡幾翻摩騰導其流
僧伽鼓其瀾乃建窰堵波高標屹參天
劃如五彩虹上與青霄干茲塔

更奇古層簷俯通川江山遞隱見萬象森迴環公子抱
遠韻登臨眇風煙仰穿龍蛇穴旁瞰日月懸茫茫悉細
碎寓目疑無全歸來吐妙句字字勞精甄嗟我方屏處
勝遊阻清緣幸窺慈恩作如見衆寶山宗風久寂寞紆
絮何其寒安得師子吼震此龍象筵關弓挾白羽橐韃
相周旋當分寶塔坐一瞬三萬年

次韻徵言招飲絕句

壓架醪醕翠蔓柔經春芬馥未全收主人邀客醉花下

共喜王師破蔡州

時間淮東捷報

讀陳子直短歌三復而悲之次其韻

君不見韓昌黎文章二百年又不見杜陵老風月三千
首號寒啼飢四壁空謾有篇章在人口書生生事良易
足深林一枝河滿腹但令藜莧可充腸便把離騷靜中
讀儒冠誤身誠可憐陳侯半世身猶遘斗酒初乏青銅
錢忍飢哦詩空可傳富兒菽粟泥沙擲不必登朝家萬
石水陸畢陳方丈食錦繡還將被墻壁但資口腹為身

謀問以詩書初不識天公賦予真相百彼富吾仁如黑
白鄉黨寧無急義人誰哀王孫與進食嘗思漂母飯淮
陰何用區區論報德

次韻王堯明四旱詩

河運

漕渠如坦途泛此往來宅疏川誰之功乘木本諸益常
疑侔滄溟巨釣可龍伯那知旱暵甚有此困涸阨豈無
車班班莫勝倉箱積譬猶一鶚飛孰與鷺累百汲江勞

甕盎禱雨費珪璧端為魚鼈憂無乃雲雷數安得千里
波篙師發櫂歌願借壯士手為乃挽天河

井汲

我居梁谿傍密邇陸子泉漂流旅海陵又欲買一廛願
言酌甘芳為滌腥與羶居然值歲旱此志無由全百井
盡枯涸簡編匪虛傳夜汲費燭炬曉趨駢足肩一壺信
千金一飲或萬錢逝將向井拜飛泉為濺濺泓澄古鏡
色吸引星光圓洋洋療衆渴不竭如巨川井收遂勿幕

瓶盆送迴旋飲水自可樂安用井底眠

酺祭

閔旱意不樂駕言遊近垌田父紛在野祭酺方乞靈借
問何以然東臯產蝗螟主張有神物薄禮羞微馨神歆
庶災熄敢愛酒滿瓴導我試往觀戢戢初挿鋤剪穗齊
若刀抱稈牢如釘異哉天壤間孕此妖孽形羣族既蕃
衍氣類屯臊腥仲尼所不堪紀異垂麟經畀火見周雅
捕瘞聞唐庭人力自足勝何須詰冥冥聰明實依人正

直神所聽區區觴豆間厥德安足銘誰能起雲師霽雨
驅疾霆一洗羽孽息寥落如晨星

雩禱

雩祭法已古東方見蒼龍厥後茲禮廢但禱釋梵宮淮
埂值歲旱川涸山欲童已下闕

次韻和虞公明察院賦所藏李成山水

畫史古多有李生獨寶傳譬猶古人書墨妙稱誠懸尤
物世難蓄變化登雲天流落人間者遺跡猶繇繇此本

更奇絕高深自山淵想當槃礴時舐筆應如椽樓觀抱
空曲林荇靄層巔屹然巖石姿潤比金玉堅倏忽變寒
暑霏微起雲煙高堂寓遠目如墮嵩華前迴觀舊所藏
一一可棄捐乃知蓋代手筆力能旋乾衆工畫山水意
匠勞雕鐫惟茲得簡易大巧初天全鑒裁有精識丹青
孰爭先何須嫫姆醜始辨西施妍嗟我性迂拙漂流方
隱鄺幸從長者遊坐使伊鬱宣嘯詠圖史間高臺謝牽
攀新詩與妙畫更使窮鑽研愧乏色絲句為續金聲篇

端思畫中趣祇欲休林泉

再次前韻

妙手不可遇心匠良難傳於中營丘生名若日月懸
曾次有衡霍筆端合其天坐令衆畫史縮手嗟材繇公於
何處得藏此圖書淵畫賞不知厭夜觀燭如椽我昔遊
七閩足踏羣山巔最愛演仙峯石色潤且堅樓臺與粧
綴輕素拖晴煙竭來見茲畫恍若復造前為技一至此
丹青誠可捐譬猶繪神駿不必錦連錢陽嶺鬱蔥蔭

崖極鎔鑄人禽與屋木種種法象全往者邈難追後來
誰復先新詩為發揮與畫爭清研寶劍藏古獄賢士隱
里鄧一朝過鑒賞曄若五采宣顧我涉道淺遊世困縶
攀惟有古人心刻意思精研茲畫不可取但誦瑤瓊篇
何須畫中看吾方老雲泉

次韻曾微言桂漿

金椀擎來碧玉漿端令袞暑吸飛霜何須社覓麴蘖法
自帶廣寒風露香清入肺肝殊有韻甘餘齒頰固難忘

七甌已勝盧仝茗似得仙人石髓嘗

讀王堯明贈諸弟和陶詩次韻為別

鷓鴣巢安一枝鵬運圖南溟巨細自有適坐見萬物情昔
別東都門我方墮蠻荆豈知復會合濁酒叙平生念子
抱器業出值時清明騫騰發素蘊當使王化平而我志
正聲肅肅正遐征竊比淵明歸逝同沮溺耕脫屣謝軒
冕超然無所縈出處良異趣勉哉垂世名

虞公明出示序觀音詩事并頌次韻

聞思大士真奇絕俱妙形神侔玉雪譬如水月自清涼
能與世間除惱熱自從證悟今幾劫定慧慈威初不減
解脫曾因無盡宣圓通更假文殊說森然寶臂清淨目
八萬四千猶一呌依怙羣生願力堅宴坐諦觀塵世閱
先生往時墮憲網澤雉在樊鷹在紲默相虔誠賴覺慈
灼知情實蒙聖哲踰年海上得歸來冒險豈殊探虎穴
精剛何翅金百鍊忠盡端同水萬折觀音在處皆現前
不必圖繪勞携挈此方教體在音聞悟入此門良不拙

更將妙語贊悲心功德須知莫如舌

贈虞公明察院

并序

寓居海陵初欲問道每見輒為棊戰所困此殆
曹參陽城醉客以醇耐意

宕崑古城隅下為鳳凰池鳳去不復返池水空漣漪傍
有幽人廬松竹森四圍結構極爽塏借問居者誰先生
聞道久昨自海上歸食棗大如瓜定曾見安期不知修
何術能奪造化機金鼎燦含葩玉池灑生肥顛倒出龍

虎騰降分坎離行年五十餘氣貌如嬰兒餘暇付圖史
不廢酒與詩高堂會賓友落筆風雨馳戲事聊復爾一
笑初何為懸知廣成子千歲形不衰顧我抱迂拙與世
真相違徒欲睇驪騮曾未窺藩籬寓居邇函丈數造董
公惟願聞衆妙門成此一段奇胡為久閉拒客至輒圉
慕歸隱志已定後會知何時銘心誓相學發藥幸教之
他年倘有得同駕雲中螭

讀錢中伯與仲弟唱和次韻見意

未忘世故似梅仙
馨欬那離狗馬間
肯信片言功若藥
坐使四海安如山
從來療疾應須艾
寧有艾丸如許大
扁鵲先知今豈無
和緩高談良有在
錢郎志氣絕可人
不減風流溫太真
新詩欲嗣汲黯直
陋巷更甘原憲貧
我有故園依北阜
松菊歸來知好否
著鞭願子勉為先
我已摧頽瞠若後

往復詩多用佛語再次前韻示仲輔

遠涉異域求金仙
豈知不離方寸間
此門悟入真捷徑

安用困苦棲窮山憑君試灼一炷艾能已千痼寧四大
病根若悟本來空是則名為觀自在平生見盡學道人
舍妄求真不識真指端明月休錯認衣裏寶珠元不貧
巍巍蕩蕩如山阜長與君俱君見否仁者自生分別心
斷際何嘗有前後

題李茂舉擁書堂

小堂深穩據西偏
棟架牙籤燦屬聯
萬卷新如手未觸
五經嘲解腹空便
子同蔣詡開三徑
我學楊雄老一廛

歸去梁谿謀築室隔江相望兩脩然

次韻徽言見贈

白首窮一經此道何嘗東陋質誤識擢珥筆宸庭楓胃
中何所見耿耿惟孤忠謫官乃自取寵辱久矣同竭來
旅江城勝遊幸從公疑暱讌笑歡顧忘身世窮十年倦
遊意一笑回首空尚餘愛君心夢繞明光宮夫子抱高
趣才氣凜以雄揮毫寫妙語燿若五彩虹寧淹江海上
行造鵝鷺中放懷且玉友不用酤郢筒

克明以五詩責行辭意激昂欽玩無已輒用第五
首次韻為報聊發一笑

次臺一罇酒平昔接英遊棘闥澹墨榜曾見成名秋馬
知江海上乃復同唱酬子如清廟器端俟識者收又如
御厨珍可用三公羞高志凜冰雪妙語鏘琳球三年未
飛鳴一舉宜無儔我已謝世網逝將老一丘願子勉自
愛食肉鄙虎頭名節乃難立富貴良易求

自海陵泛江歸梁谿作

清江湛湛波不興澄江際天如鏡平火雲突兀聳峯岫
倒影萬丈搖空明扁舟歸逐落潮急聒耳但聞雙橈聲
乃知長江無六月水氣自與風兼清去年狂寇起歛睦
江浙慘澹妖氣凝百年涵養極繁盛一日蕩析屯臊腥
衣冠北渡旅淮甸扶老攜幼紛從橫王師出討盛貔貅
兇渠授首封鯢鯨迨茲浙右稍安定鼓拖復作東南征
家山在望已可喜僮僕候我應歡迎平疇戢戢稻秧綠
峻嶺靄靄松林青田園有趣良足樂軒冕無味非所榮

蒼生倘有安堵望笑傲自可終餘齡只今餘孽尚充斥
努力廟筭宜哀矜裹包兵革不復用坐使四海還康寧

梁谿集卷十五

欽定四庫全書

梁谿集卷十六

宋 李綱 撰

詩十二

己癸卯至甲辰歲作四十四首乙
巳春赴奉常召如京作八首

序

次韻上元宰唱和古風

寄許振叔顯謨

次韻仲弟古意

次韻李似表縣丞出示遊西湖古風二首

似表復以詩來再次韻

寄池陽黃季岑士曹二首

冬日登閣有感呈子美提舉二首

送鄧志宏往試南省

次韻仲弟獨遊惠山古風

吳元中著詩義見示因成三篇贈之

題伯時明皇蜀道圖

送韓茂遵解元赴試南省

邵平種瓜圖

寄題外氏松紹祖亭

近以詩寄許振叔承林德祖見和復次前韻寄

之

次韻顧子美見示題曲江畫像

小閣晚望書懷一百韻

唐植甫左司許出示所藏紅絲硯戲成短歌

次韻子美提舉許雪中見過之作

次韻邵子非見贈之作

次韻子美寄汪彥章同遊惠山之作

蔣山佛果師為緣事來而此土方飢戲賦是詩
次韻葉少蘊內翰丈雪川上買得弁山石林二

首

近約周仲居同遊陽羨以私故不果見寄筍蕨
次韻顧子美見示久雨三首

寄毛達可內翰并錄送魏公別錄

蓴菜

送李泰發吏部赴官陽朔

寄李泰發吏部

同翁士特小飲中隱堂

士特見和復次前韻

同士特遊惠山再次前韻

題周孝侯廟

余乙巳春赴奉常召如京師五月四日同似表

叔易遊北固甘露寺

雨中渡楊子江書懷呈似表叔易

同似表叔易置酒平山堂

過召伯埭遊斗野亭次司諫孫公韻

途中書懷

新開河食鰕魚戲成

泗上瞻禮僧伽塔

汴上有感

序

余頃謫沙陽迨蒙恩得歸往還幾涉三歲觸目散懷一
寓於詩得古律數百首自罹艱棘絕不復作今秋既御
祥琴適友人胡俊明寄示鍾山酬唱因次韻和之自此
漸理筆硯畦徑吟哦綴緝寄情煙霞泉石間以寫閒居

之適當浸成篇軸漫錄之以貽同志者時宣和癸卯冬
至後三日梁谿居士序

次韻上元宰胡俊明蔣山勤老唱和古風

竺教流傳入中土以相求之無自可達磨西來直指心
擬議之間已蹉過皮髓誰分深淺機祖禰翻貽子孫禍
鍾山禪老真可人高唱宗風震江左學流雲集欲何為
佛祖要須自心作宰官恁惛牒訟問偷暇相從還作麼
也知襟抱素相親更把篇章迭酬和詞嚴義密讀難曉

字順文從識皆妥應憐孤陋方杜門亦欲追隨良未果
故將佳句寄幽人此意勤渠滋愧荷談空摩詰無一言
聽法文殊非兩箇若將情解議真如明眼人前應看破
世間萬法互低昂正若旋輪與推磨隨時俯仰乃善謀
就中拙者無過我九折羊腸欲着鞭萬里滄溟思縱柁
只今行年四十餘已覺衰頽多坐卧平生作具何所施
盡以付之一弄火迴光返照默自參妙湛本然無點泥
公方齒壯志氣豪正可立功同魏顆胡為亦復味禪那

坐視軒裳如繫鎖蓮社莊嚴清淨池大室含容高廣座
他時共結香火緣心期耿耿當非頗為余稽首問勤師
如師材德誠磊砢釣龍羅鳳大江濱法器誰為語無墮
庭前倘有立雪人我欲因風致三賀

寄許振叔顯謨

我向江湖老此身公猶拘繫作羈臣蘭宮笑語真一夢
澤國過從今幾人霜落洞庭橙橘熟泉斟桑苧茗芽新
相望百里如千里早晚歸來共釣緼

次韻仲弟古意

棣萼相榮華，鵠原同急難。富貴何足羨，名節在所完。吾家諸弟昆，擢秀森琅玕。雖無金朱樂，顧有道義歡。故人豈不多，誰念范叔寒。卜築九峯下，庇此拙且頑。山光入戶牖，溪水清不湍。我屋雖無華，容膝審易安。田疇半菽，芳念茲歲方艱。虛室味圖史，小圃藝荏蘭。蕭然寂寞濱，庶保餘齡閒。哲弟富才業，壯志思昭姦。勉哉振此道，吾方閒處看。

次韻李似表縣丞出示遊西湖古風二首

迂愚與世遠深渺方自屏蕭然巖壑心不與餘事並澄
湖武林西風物非塵境願為境中人此志久已定卜居
梁谿濱日汲陸子井幽夢繞湖山妙趣神先領浮家若
雪間初不費馳騁招攜得佳友高詠笑匡鼎富貴如浮
雲功名真畫餅且盡季鷹杯更飽盧仝茗李侯東南來
胃次涵萬頃作詩紀幽尋句法言可永念子到山中天
地正悽冷青鞋踏冰霜共賞誰復肯勝遊子先之吾亦

行買艇

李侯嗜學古餘事皆遠屏昂昂鸞鵠姿豈與凡禽並捧
檄來南州初識浙江境尋盟款吾廬不待日中定從容
叩所得響答如汲井時方羅俊乂寧久淹簿領清秋鵬
鷖飛大道驂騑騁詞章尤激昂筆力可扛鼎虛堂縱談
笑霜月掛金餅夜闌言愈微至味嚼佳茗古來會合難
歲月積俄頃願子謹所之萬里路方永吾衰老聞曠軒
冕志已冷棲遲正壑間此興良自肯他日來相遇梁谿

尋釣艇

似表復以詩來再次前韻并簡似矩侍制似之舍

人

吾宗抱逸韻試吏得南屏掃廳日哦詩俗士駕敢並雙
谿與疊嶂拄頰對佳境諸昆奉板輿晨夕嚴省定仲氏
近剖符鍊養窺丹井叔兮久燕閒禪要心獨領何人繫
騏驥逸足未高騁會當歸本朝宗社重九鼎衰疲老山
林耕釣供餌餅叩門欣得朋草草具醪茗追思會金陵

三載如食頃契闊懷晤言川途阻修永臨流送將歸歲
晏風霜冷寄聲昆季間卜隣誰定肯天高烟霧深且縱
江湖艇

寄池陽黃季岑士曹

昔年多士萃南宮曾見雄文曄彩虹萬里相期霄漢上
一官猶在大江東新詩寄遠句增麗舊事追遊夢已空
努力要津張此志吾方寒釣五湖中

稚年嬉戲曾遊地往歲飄零假道還溪水寒生江祖石

洞雲深接九華山
錦苔綠字幾多在
石鷺白鷗相與閒
幕府詩人富家學
定留秀句滿巖間

冬日登小閣有感呈子美提舉奉議

霜落風高萬里枯
孤鴻窅窅下平湖
行藏誰會倚欄意
嘯詠聊為終老娛
寒日溪山相掩藹
暮雲樓閣半虛無
何人妙解丹青事
畫作輞川煙靄圖

遶舍松林寒不枯
煙霞深處見澄湖
縈青繚白知誰賞
把酒裁詩可自娛
剡曲幸非千里遠
同雲又復一冬無

會當半夜溪山白乘興真為訪戴圖

送鄧志宏赴試南省

杜門憂患餘戚戚常鮮歡故人千里來一笑解我顏念
昔寓沙陽溪山鬱廻環游從得良友妙賞窮躋攀別來
幾何時歲月驚飛翻索居無與遊衰病兩鬢斑子充觀
國賓假道叩我關草草具盤饌把酒望西山道舊訪陳
跡相對如夢間顧子若鴻鵠整翮正高騫軒然四海心
豈憚行路難努力取殊第自致青雲端春風得意後期

子從茲還

次韻仲弟獨遊惠山古風

我家九峯下跬步臨勝境
循除環珮聲滿庭松桂影
宦遊阻幽尋每若龜引頸
十年旅京華萬里走閩嶺
歸懷寄清夢投檄期子請
向來兵火作此地偶無警
餘生集百憂負郭耕二頃
新交浸已疎舊學謀復整
功名一灰地毀譽兩鼃黽
抱拙與世違退縮甘遠屏
杜關絕外遊但欲俗緣省
茲山乃故人雅契相與永
登臨富泉石採

掇足芹苳下瓢酌甘芳日汲謝餅纒胡為久不到有愧
稚川井仲弟絕俗姿好勇先我騁新詩紀清賞得句頗
彪炳艱難見鴈原歲月侵晚景相期老丘壑不復歎土
梗梁谿寒可漁蓑笠同舴艋寧如六一翁終日思汝潁
方茲築吾廬跼伏念前青面山開小閣制度閒深靚山
氣日夕佳爽致當共頌夜久霜露寒星月光同同冷然
欲御風豈憚廣寒冷鄰鐘韻更幽皓鶴淚方儼深炷一
爐煙宴坐得三省

吳元中得書言近不作詩以所著幽七月詩義見
示因成三篇贈之

盱起幽居尚閉關忽傳尺素破愁顏迂疎似我宜深隱
才術如公豈暫閑雅意未曾忘北闕勝遊今日且東山
十年迴首當時事歎息人生似夢間

底事年來不作詩應緣思苦少人知凌雲健筆含毫日
照眼花枝得句時陶冶性情端賴此詠嘲風月漫多為
驛筒若許陪酬唱朱字青牋復寄誰

儒生樂事信同風端抱前言當鼓鐘公正說詩箋七月
我方學易綿羣龍艱難盛事原衣食憂患餘生問吉凶
去聖寥寥千載後何時揮塵得從容

題伯時明皇蜀道圖

君不見開元天寶同一主治亂相翻如手舉擘盈欲惡
雖一人變易安危原近輔姚宋已死九齡黜誰使楊釗
繼林甫宮中太真專寵私塞外番酋成跋扈禍胎養就
不自知漫向華清遺七筯漁陽突騎破潼關百二山河

震金鼓翠華杳杳幸西南赤縣紛紛集夷虜傷心坡下
失紅顏墮淚鈴中聞夜雨山青江碧蜀道難棧閣連空
儂相拄旌旗慘淡雲物愁林木陰森猿鳥侶戎裝宮女
亦善騎皓齒明眸如笑語老髯奚官驅蹇驢負橐齋糧
豈供御九重徽衛復誰勤萬里艱危真自取至尊狼狽
尚如此歎息蒼生困豺虎千秋萬歲不勝悲玉輦金輿
盡黃土空令畫手思入神一寫丹青戒今古

送韓茂遵解元赴試南省

憂患餘生日杜闌幅巾青顧得開顏
虛堂把酒延佳月小閣哦詩對遠山
子學鯤鵬將海運我同猿鶴且雲閑
都城故舊還相問為道衰頽鬢已斑

題邵平種瓜圖

君不見伯成子高讓侯爵在野終年自耕穫
下風趨問禮徒勤俛俛田間事無落又不見於陵仲子推相位為
人灌園刈葵藿抱甕區區同漢陰不糝藜羹有餘樂
古來賢達有如此志趣未可常情度力辭富貴居賤貧凜

若風霜隕輕籜邵平本自侯東陵秦破國除休一壑當
時漢祖疑鄼侯置衛增封意非薄衆賓皆賀平獨弔一
言轉禍推先覺以茲智略佐風雲復取故封何所忤歸
來種瓜青門外灌溉耰耨甘寂寞長安之東壤尤美翠
蔓離離照城郭秋陽正熾瓜正肥解衣摘實如倪鶴兒
童隨立形骨清挈笠攜筐助操作遂令世美東陵瓜身
後高名動寥廓屠販曾聞封絳灌奴僕從來興衛霍高
鳥已盡良弓藏更有韓彭辱囚縛何如終老守瓜畦自

飽飽他真不惡龍眠也是可憐人畫此端令事如昨世
間如畫畫如夢聊為作歌資一噓

寄題外氏松源紹祖亭

東劔艱危際結廬間曠濱全家入青嶂避地為黃巾族
系歸圖譜風流藹薦紳雲仍藉餘澤勿替德維新
外族雲峯畔新亭烟水濱兒童舊遊地感慨易霑巾竹
裏鏘鳴珮山邊繚素紳何當俯軒檻一覽物華新

近以詩寄許振叔承林德祖見和復次前韻寄之

甫里先生早乞身最憐流落漢庭臣也知雅有綈袍意
故使同為蓮社人佳句傳來油素濕靈文繡處貝多新
更煩為指趨真路舊國于今草木緡

次韻顧子美見示題曲江畫像

天眷李唐能肖德異人間出生其國於中貞觀開元間
譬若豐年多黍稷曲江擢秀自妙齡國器早被燕公識
文詞瞻蔚冠後來大冊高文振鴻筆孤生徒步起荒陬
職秉鈞衡爵侯伯一時推挽盡正人謹議嘉謨咸可績

能於偏校識胡情此理未可常情億哥奴豈是郎官材
誰使巖廊久踐歷眉宇津津挾兔鷕醞藉居然困摧抑
正衙造膝訪相臣豈止伶官論安叱天意方將啓祿山
帝心那解疑仙客房帷陰謀獨上陳三子未寃繫巨力
偉哉相業繼姚宋允矣威聲落夷貊千秋金鑑奉君王
仁者之言古遺直詠燕論心詎免猜賦扇陳情竟何意
黃鍾毀棄瓦釜鳴鳳去鴟鴞集槐棘固知骨體易嬰鱗
坐使姦諛得乘隙一麾出守來荆蠻直道忘懷謝欣戚

詩篇冥助得江山文史終年自怡懌漁陽鼙鼓震長安
禍亂寧從一朝積翠華西幸蒙塵飛蜀道艱難會相憶
至言逆耳棄不收遣祭徒勞長歎息古來忠讜盡如此
端欲濟時如穀帛空令萬世滄海南萃兀高名配韶石
於粲荔丹蕉葉黃廟貌屹然茲血食身亡道立復何求
失策自與當時惜丹青誰為寫清姿風度嚴凝見顏色
顧侯好古如古人此本云自韶陽得笏囊無復使人持
奕奕蟬冠照虛壁象設曾聞鐵作胎英靈尚想心猶赤

拜公遺像激懦衷
悵望天南瘴江碧
高辭險語極揄揚
勉強追誅愧非敵

小閣晚望書懷一百韻示仲弟并簡顧子美

歲晏羣陰積天高霰雪晴
西山來爽致小閣湛虛明
曲檻馳孤照微雲點太清
泛觀周宇宙曠望出枝撐
九隴龍蛇伏梁谿組練縈
翠烟浮近市碧瓦麗高甍
湖外千巖秀林端一帶平
松篁森蒼蔚樓觀鬱崢嶸
天末氛埃歛坤倪物象呈
清風生戶牖秀色入軒楹
北極星辰拱

東臯雨露羸寸懷舒遠目萬感集孤情憶昨陪螭殿終
年侍玉京含毫青瑣闥通籍鳳凰城獎擢知恩重臨危
覺死輕囊書朝入奏襆被夕徂征去厯谿山險歸虞盜
賊驚西江足波浪南國滿旂旌迂路良非策尋家不計
程天戈戡猋獮廟略掃欃槍蕪沒田園在歡呼僕隸迎
亂離才甫定患禍忽相嬰風木悲摧感祥琴慘愴聲誓
終墳墓守望絕縉紳榮卜築誠長計棲遲豈釣名當為
千載蟄那作九臯鳴示舌羞張子輕身笑襴衡盤桓且

正壑騰踏自公卿未具函關駕聊從谷口耕歲功方險
惡供給敢豐盈瘠隴饒稂莠彪池粃稻秔何心謀肉食
充腹但藜羹孤笑彈長鋏微吟就短檠開編聊自慰攻
苦飽曾更卮酒和糟粕盤飧雜蚌蜆恐須食翠栢尚未
斲黃精臘破冰漸解春迴草木萌且休吟蟋蟀行復聽
鷓鴣獻歲三朝始初陽一氣亨小梅舒凍枿疎柳茁枯
莖簾幕還飛燕園林又轉鶯試編居士屨學種故侯榮
抱甕澆芝朮聯畦蒔杜蘅摘甘聊共剖釣美得同烹煙

艇簦簪穩雲谿略約橫行吟攜古錦坐隱寄文枰據石
從歌帽臨流可濯纓閒中端有趣身外更無營古寺迴
巖擁細泉幽竇傾帶雲斟曉杓和月貯春罌繞徑搖金
碎循除響玉琤由來穿蠟屐未必羨慈珩借問披衣慣
何如結佩綰端知綬若若不假鐵錚錚匠石宜遺櫟山
川詎舍驛甘為書裏蠹憚作廟中牲雲鵠翰方鍛風鳶
羽正翅隱淪隨綺皓莛醢歎韓彭坐逸真僥倖時康孰
使令普天期一稔率土慶羣氓耒耜三農出倉箱萬寶

成餘糧飽羸瘵大屋比嫠婢稚耄皆含哺潢池不弄兵
人咸安畎畝吾亦樂柴荆已與猿獠侶猶懷犬馬誠憂
心雖悄悄執節信硜硜老去將忘世朋來且命觥嘉賓
期座滿陋巷或車轟幽鳥會心近良辰樂事并黃梁蒞
露薤白蟬芼霜橙何苦三升戀當為五斗醒澗蓴舒翠
縷林笏脫文綈池草鋪新綠亭花藉落英醉眠方栩栩
兒泣任嗶嗶庭樹朝嘲雀書帷夜話蜻心清香篆繚耳隱
梵鐘鎗遊宦從諸季浮沉許拙兄棣華知曄曄伐木亦

丁丁操履資磨琢論文貴討評杖藜扶跛倚藥劑發聾
盲絕倒心都醉奔馳視只瞠風流懷衛玠敏捷憶袁宏
願見摩天手真成擲地玳戈矛萬人敵膾炙五侯鯖意
妙操干舞聲希舍瑟鏗味深飴醴酪調古奏醴醴文社
誰襟袖詩壇為主盟中書仗毛穎發墨賴陶泓友直常
希黥言剛酷鄙張藏刀真善割膠柱未能箏數馬須資
策馳車必式衡傳家惟義訓教子謝金籬婚嫁何時畢
遨嬉莫我爭浮家苕水去乘興剡川行吳殿悲遊鹿秦

宮弔拱魁爐峯看瀑布緱嶺聽吹笙神嶽登嵩華仙洲
指沃瀛沖天思御鶴跨海欲騎鯨浩蕩愁千古翱翔撫
八紘會當期若士高揖笑浮生

唐植甫左司許出示所藏紅絲硯輒成短歌奉呈
并簡顧子美

歲和整御升暘谷赤雲夾日如飛鷺晶光下射東方山
石卵含丹孕巖腹誰令巧匠鑿山骨截此頗堅一肪玉
琢為巨硯形製奇中有彤雲爛盈目端溪美璞色馬肝

點歛珍胚紋霧縠豈知至寶出岵夷散綺浮花彩尤縹
鳳味空聞名字佳龍尾苦笑規模俗謾誇眉子鬪嬋娟
休認明眸類鵠鵠顧盼幸蒙君子知拂拭自遠塵埃辱
火輪炫煥赤烏流墨海翕淪玄兔浴千金象管雕鏤精
百鍊松煤龍麝馥怒猊渴驥縱奔拏春蚓秋蛇相綰束
楮生便覺肌理妍毛穎何嘗免冠禿公家三世擅直聲
此硯提攜資簡牘力侔天地掌中迴膽落姦諛筆端戮
固宜祕玩不輕示神物護持無輒黷聰明几淨齋閣深

日暖風清靄松竹試將墨妙寫新詩落筆煙雲歎神速
矧公早年曾餌丹龜鶴精神鬢毛綠久卧商山茹紫芝
行度天門騎白鹿猗蘭玉樹富堦庭黃卷青緗賸編軸
願言什襲遺雲仍大筆高文永相續

次韻顧子美提舉許雪中見過之作

殘臘苦寒情味惡萬里風雲欣雪作夜積端愁坤軸傾
曉望却驚天界擴玉龍鱗甲卧羣山水海波瀾凝巨壑
謝家兒女自多才笑詠飛花度羅幕金爐未覺獸炭溫

錦帳猶訝貂裘薄書生飢甚況復寒坐聽朱絃折臨獄
松孤竹老念山林甲冷戈寒憫沙漠豈思龍尾賀千官
且疊琴心舞雙鶴瑤林玉樹繁迴環勿謂軒庭全冷落
擁門但作袁安卧命駕誰思子猷樂溪山如畫真自知
金玉滿堂端不博煩公攜具款我門注目遙空登晚閣
凍吟猶作號寒聲此病欲醫那有藥公家故自富香醪
我亦安能辭巨杓醉看萬事雪銷凝妙觀圓成不須學

次韻邵子非見贈之作

持竿相與釣鯨魚
歎息平生術已疎
嬉戲尚能追舊事
窮愁聊復著新書
昂霄聳壑公行爾
拂石眠雲我自如
卜築相望纔一水
未應歲晚恨離居

次韻子美寄彥章同遊惠山之作

結廬寂無車馬喧
崔羅可設深扃門
北牕一枕半成夢
剝啄叩戶驚心魂
故人見過適我願
相與攜手遊山樊
春風桃李已零落
孟夏草木行滋繁
下瓢共酌陸子井
策杖更步公垂園
山肴野蔌助清賞
此心非子將誰論

人生聚散如露電訪舊歎息無多存區區得失何足較
瑟間但期終不諼嗟予夙昔志四海遠游欲學飛鴻軒
南征曾上帝子閣暮雨朝雲相吐吞西山積翠多爽氣
大江縈練方東奔十年回首如夢到舊事今復聞公言
邇來百念已灰冷但願痛飲窮朝昏新交漸鮮俗緣久
省要更覺情懷敦山中蕙帳不落窠無復怨鶴啼驚猿
平生有意師老氏以退為進卑為尊致君澤物付公等
我乃送老溪前村置之此事勿復道且須吸盡黃金罇

蔣山佛果師為緣事來而此土方饑戲賦是詩以

發一笑

鍾山禪老天骨奇叢林晏座如孤羆諸方宗仰第一義
說法舌作霹靂飛年來為衆建廣廈胃中結構良莪巍
修梁巨棟資喜捨鉗錫不憚東南馳飛騰道俗走檀越
堆積金貝羅珠璣此方旱潦異常歲百里稚耄方流離
析薪鬻子給朝夕闔境半作嬰兒啼坐看緣事莫措手
却欲反著僧伽黎未聞蘭若泣龍象好把信施賙寒飢

向來收拾大寶聚隨手散盡真慈悲惟師具眼得空觀
稠載豈愁華橐歸吾言可聽勿惆悵無價寶珠元在衣
次韻葉少蘊內翰大雪川上買得弁山石林二首
翰林風度世間無烟若清冰置玉壺暫向雪川謀小隱
未應魯國舍真儒平泉草木何須記杜曲桑麻幸可圖
我亦新霑散人號浮家正欲老江湖

視草金鑾不記年却將心事付林泉歸居盤谷真良策
買得愚溪定夙緣隔竹聞聲鳴佩玉揮毫落紙散雲煙

欲誇水石無窮趣故把新詩得得傳

近約周仲居同遊陽羨以私故不果見寄筍蕨因
成此詩

勝遊尚爾阻躋攀自愧閒中亦未閒多謝幽人分筍蕨
宛同春日到雲山洞天上下煙霞裏溪水迴環圖畫間
慙過豈能窮妙賞結廬終欲老疎頑

次韻顧子美見示久雨三首

一春常苦雨入夏尚愴晴雲物頻舒卷軒牕乍晦明下

田嗟漲溢高岸惜頽傾蔓草無情思芟除又發生
朝來疑欲霽雲氣復如蒸泥潦疲馳驟晨昏錯寢興及
時初可喜失節反堪憎安得西山出層樓共一登

中夏猶袂衣澤國信殊候連陰不復開似欲無晴晝
涓簷間滴駢駢渠中溜蒼生環堵完遑恤吾廬漏

寄毛達可內翰并錄送魏公別錄

穀水柯山蘊秀奇精忠深結冕旒知玉堂視草久推重
金枕書名猶恨遲廊廟未應忘澤物江山且復助題詩

慇懃寄錄韓公事好為斯民更築基

迂愚聊復隱清時幽事相關只自知
滿地落花看鶴舞一軒春雨對僧棋
閑中日月真銷得物外煙霞漸可期
坐致時康賴公等不須深遜採商芝

蓴菜

渺渺春湖水拍天紫蓴千里正聯絲
初抽荷葉半含露旋摘龍須尚帶涎
鹽豉欲調難並美鱸魚兼憶詎非賢
自憐不是知機士飽食空能上釣船

送李泰發吏部赴官陽朔

意氣相期會面前
謫官邂逅兩蕭然
誰憐蘭省鷓鴣友
去作桂林山水仙
直道事人寧免黜
拙謀於我欲爭先
寬恩下逮宜非久
來買梁谿二頃田

陽朔谿山冠百蠻
羨君遠宦得躋攀
聲名已落寰區內
忠信自行夷貊間
山作劔鋸攢峻拔
水如羅帶巧迴環
此生又作南征計
好把輕綃寄一斑

寄李泰發吏部

我生稟賦愚且屯昔遊帝所知何因狂言妄發取譴廢
屏跡分甘麋鹿羣公於何許知姓字迂趾訪我梁谿濱
平生傾蓋意氣合談笑便覺襟懷親如公材識邁倫等
緩步自當居要津胡為亦復作此態出語輒已驚臣鄰
扁舟歸探會稽穴單騎去指蒼梧雲嶺南風土不全惡
陽朔山水古所珍郎官出宰乃故事絕徼萬里皆吾民
布宣德澤被蠻邑獷俗可使風還淳古來節士志溝壑
笑視生死同埃塵甘心刀鋸蹈鼎鑊狗國詎免危其身

聖朝寬大幸無比竄謫未久多蒙恩轅駒仗馬戀芻豆
何用局促聲長吞堂堂基業甚宏遠豈使扶助無良臣
勉旃行矣佇旋旆乘興且訪山陰人

同翁士特小飲中隱堂

三伏炎蒸畫舸迴蓬門聊復為君開松篁蔭翳罇中醪
杖履逍遙池上臺小雨乍隨雲影散好風還逐月光來
虛堂夜久羣躑息枕簟相從亦快哉

士特見和復次前韻

正園命駕未應迴三徑還同蔣詡開盤谷初能容蕙帳
釣天無復夢瑤臺稚年尚憶嬉遊處老境相從歸去來
幸有西山供醉眼不妨吟望思悠哉

同士特遊惠山再次前韻

九峯秀色照溪迴古寺崢嶸殿閣開漱玉泉聲鏘石洞
鬱藍天影抱瓊臺親賓情話真難得巖壑幽尋豈易來
且復淹留同一醉未應遄櫂念歸哉

題周孝侯廟

周侯高節冠千古志氣剛明乃如許
劒斬長橋戟尾蛟刺殺南山雪毛虎
歸來一聽閭里言折節寧辭遠遊苦
學成名立世共驚狗國忘身乃其所
至今血食荆溪濱廟貌崇深日簫鼓
我來再拜仰遺像思古傷今悵誰語
君不見淮陰跨下已亡竒噲等何羞
與為伍

余乙巳春赴奉常召如京師五月四日至京口同
似表叔易遊北固甘露寺

招提殿閣鬱嵒峩占得江山氣象多一水下臨縈素練

兩山對峙疊青螺乍欣心目到空濶坐看風雲相盪摩
景物自新人自老舊遊追憶奈愁何

雨中渡楊子江書懷呈似表叔易

波光澹澹艣聲圓風軟潮平利涉川浩渺雲濤連海嶠
空濛煙雨濕樓船江山雄偉冠天下景物瓌奇繞目前
遠蹟禹功湏我輩感時懷古一悽然

同似表叔易置酒平山堂

暫停征權此從容歎息前賢結構雄心眼乍隨天宇濶

笑談不覺酒罇空
江光隱見軒楹裏
山色虛無煙雨中
種柳仙翁何處去
年年疎翠自春風

過召伯埭遊斗野亭次司諫孫公韻

星斗照淮楚綠野如砥平
茲亭結構小景物有餘清
我來值裨暑霽霧褰高甍
登臨得佳友坐使懷抱傾
方塘楊柳合極望菰蒲生
仰德思謝傅弔古傷蕪城
濁酒聊共酌小鱗鮮可烹
抱拙卧江海胡為復此行
區區螢爝光何補日月明
稽古得車馬平生笑桓榮

途中書懷

去國飄零伴一星，誤恩還許謁承明。
已甘松菊老三徑，豈有材猷廁九卿。
晚景故慙題柱客，壯懷多謝棄繻生。
片帆自逐南風起，遇坎乘流且麼行。

新開河食鰕魚戲成

平湖渺漫煙蒼蒼，菰蒲擢秀新荷香。
漁舟演漾出深浦，舟中鮮鰕肥而臧。
傳呼就買不論價，得錢留魚魚眼光。
細鱗哆口傳鬚鬣，爛斑點黑微塗黃。
巨盆汲水養餘息，

撥刺奮尾猶洋洋
竹庖薦酒擇困者
揮刀切玉芼桂薑
麴生風味已醞藉
得此更使不可忘
松江之鱸不足憶
銀色詎數縣州魴
惜哉行役難駐權
一飽未許杯盤常
雨蓑煙笠乃吾事
安得獨釣青茫茫

泗上瞻禮僧伽塔

湯湯淮泗濱
實為至人居
至人骨已冷
靈響初不渝
巍然宰堵波
金碧耀雲衢
突兀三百尺
勢欲凌霄虛
乃知天人師
宜有神明扶
憶昔歲乙未
奉親由此途
開關瞻

眸容端相不可誣清秋日當午為現摩尼珠蟬聯寶鐸
間懸綴如流蘇萬目共瞻覩稚耄騷驚呼重來念舊事
感歎涕潛如再拜禮雙足如師真丈夫

汴上有感

不踏隋池今幾日重來空歎二毛侵黃流渾渾帆檣影
綠岸森森榆柳陰雨霽鳩鳴呼婦急曉涼蟬噪感人深
區區往返何為者誰識先賢用舍心

梁谿集卷十六